

Ես ձուկ ու դուն ջուր, հոգի՛, առանց ջուր ձուկըն մեռանի:
Երբ զձուկն ի ջըրեն հանեն 'լ ի այլ ջուր ձըգեն, կու ապրի,
Երբ զիս ի քենե գատեն, քան զմեռնիլն այլ ճար չիլինի:

Գ .

Կարօտ կարօտովդ էի, հասրաթովդ ի ժուռ կուգայի.
Անկարծ ինձ ի դեմս ելար 'լ ես ստոր կուման չունեի,
Չինչ մեկ մ'որ ծարուած լինի եւ ի պաղ աղբիւր հանդիպի,
Դընէ զդընչիկն ու խըմէ, որ սըրտին թալուկն անցընի:

Դ .

Սուտ է որ կ'ասեն, եղբա՛րք, թէ 'նտանի կաքաւ չիլինի.
Մեկիկ մ'ես երեկ տեսայ 'լ երնեկ է զիր տերն որ ունի:
Ուներն դալամով քաշած 'լ իր բերանըն շաքրով ի լի.
Չմեռելն ալ ի գիրկն ամուր 'լ ի ծոցուն հաներ կենդանի:

Ե .

Այսօր ինձ երնեկ տըւէք քան զամեն օրերն աւելի.
Իմ եարս ալ ինձ հիւր երեկ, երնեկ է զիս 'լ երնեկ է լի:
Փըռեմ քեզ մախմուր խալի ու բերեմ քեզ շատ հարիՖնի.
Յընցկուն հարիՖնի բերեմ որ ամենն ի քեզ նըմանի.
Ծօվերդ քեզ զինի անեմ ու զնաւերճոյ տօստօքանի:

Չ .

Ազեստէ քաղած ես դուն ու դըրած ի ոսկի սինի.
Ասի թէ կտրեմ ըզվարդ, լուկ ամեն ըզհոտըն վարդի.
Նա մարդ ի վըրայ երեկ, թող բաժին լինայ Գըրօղին.
Երթամ աղաչեմ զԱստուծ որ ելնէ հիւանդն ի հաշի նաշին:

ԵՐՐՈՐԴ ՏԱՂԱՇԱՐՔ

Ա .

Ժամիկ մ'աչերուդ ի գատ երբ կացի, նա զիս մոռացար.
Ասիր դուն ի քո մըտիդ թէ՛ զընաց, այլ իսկի չի գար:
Գեմ անդէնըն չիգնացի, որ չլինայ ինձ դառնալու ճար.
Հագար եար փոխան կուտան, չեմ ամուր ու զքեզ չեմ ի տար: